

Hues ordena transparencia parcial na caso sumario di M.E. De Meza

HUES di Corte den Prome Instancia a dicta sentencia awe den e caso sumario cu M.E. De Meza a cuminsa. Señor De Meza, segun su mes declaracion, a tende di formado cu Ministerio Publico a mark'e como sospechoso. El a pidi Hues den e caso sumario pa duna Ministerio Publico ordo pa dun'e apertura tocante e tipo y e motibo di e sospecho contra dje.

Mescos cu Ministerio Publico, Hues ta di opinion cu ciudadanonan cu ta wordo sospecha di a comete un hecho castigabel, normalmente tin derecho na informacion solamente na momento cu nan wordo informa cu nan ta sospechoso ora nan ta wordo deteni, interroga of invita pa interrogacion. Esey no t'e caso aki.

Ademas, na ningun momento Ministerio Publico a bisa señor De Meza cu e ta sospechoso.

P'esey Ministerio Publico no ta obliga



pa informa señor De Meza ainda.

Sinembargo, Hues a determina cu den caso di señor De Meza, por papia di circunstancianan excepcional y di peso, dor cu e ta un candidato pa minister.

P'esey Hues a dicidi cu den e caso specifico aki, Ministerio Publico mester informa señor De Meza dentro di 14

dia si e ta sospechoso den un investigacion cu tin andando y, si ta asina, den cua articulo den ley e sospecho contra dje ta basa.

No obstante, Hues a determina tambe cu Ministerio Publico no ta obliga pa revela e naturalesa exacto, ni e motibo di e sospechoso, manera señor De Meza a pidi den e kort geding.



OM a informa De Meza

MINISTERIO Publico a cumpli cu e decision di Hues di 25 di juni 2025 den e caso sumario di señor De Meza. Ministerio Publico a informa señor De Meza den un carta si e ta/no ta sospechoso den un investigacion cu ta andando y di cual articulo den Ley ta trata.

Hues a rechasa e peticion di señor De Meza pa duna Ministerio Publico ordo pa pone na haltura di e naturalesa y motibo di e acusacionnan contra dje. A consecuencia Ministerio Publico no a duna ningun declaracion tocante esaki tampoco na señor De Meza